



Vuvabyi bya tinguluve



Ntombikayise Malaza



Tiko ra tinguluve a ri hlaseriwile hi vuvabyi lebyi a byi hangalaka hi le moyeni.

Vuvabyi lebyi a byi tlulela loko u byi hefemula hi tinhompfu.

Hosi ya tinguluve yi vurile leswaku tinguluve hinkwato ti fanele ku ti funungeta tinhompfu na ku tshama emakaya.





Manana Nguluve a hlambisa swingulubyana swa yena masiku hinkwawo. A lava leswaku swi basa na ku va na rihanyo lerinene hi laha a kota ha kona.

U swi ambexile masokisi etinhompfini a endlela ku swi sirhelela eka vuvabyi lebyi.



Manana na Tatana Nguluve va fafazerile yindlu.

Tatana Nguluve u kamberile na mahiselo ya miri ya swingulubyana hinkwaswo.





Swingulubyana a swi ri na xivundza. A swi tsundzukile vanghana va swona. A swi nga tsakisi ku tshama ekaya nkarhi hinkwawo.



Xin'wana xa swingulubyana, lexi a xi vitaniwa Ngulu, a xi tlanga swinene. Xi susile sokisi enhompfini ya xona na ku ya tlanga ehandle.





Siku leri landzelaka, Ngulu u vuyile a ri karhi a hisa miri na ku hetshemula. A khomiwile hi vuvabyi!



Manana Nguluve u yisile Ngulu eka dokodela.

Dokodela u nyikile Ngulu mirhi.







Ngulu a fanele ku tshama eka byetlelo bya yena ku ringana mavhiki mambirhi. A fanele ku dya no etlela a ri yexe. A nga pfumeleriwi ku etlela na van'wana.



Loko ku herile mavhiki mambirhi, Ngulu u horile. Se a pfumeleriwa ku va na van'wana ekaya.





Hosi yi tivisile leswaku tinguluve ti fanele ku endzela tlilniki. Etlilniki ti ta fika ti tlhava nsawutiso wa ku ti sirhelela eka vuvabyi lebyi.

Tinguluve a ti tsakile!



Vuvabyi byi nyamalarile etikweni ra tinguluve.

Tinguluve hinkwato ti susile masokisi etinhompfini ta tona. A ti kota ku hlangana na ku hanyisana nakambe. Ti hanyile vutomi lebyinene nakambe!

